



馮文所詩稿卷之一

華亭莫雲卿批點

善哉行

天地寥寥少。含多離。日月其除。不樂奚為。騰觚
飛爵。玉管青絲。酒浚耳熱。慷慨成悲。六螭稅駕。
蘭膏繼之。嗟我人生。馬足控持。在宇一介。在宙
一時。功名蜉蝣。富貴鷓鴣。三山安在。八公者誰。
且飲醞醑。化日是私。澆我磊塊。與世委蛇。慙慙
惜費。將以誰遺。

短歌行

文選卷一
宋鳳委羽。蒼龍腐鱗。人非金石。安得長春。朝露
易稀。秋水易淪。冢如履綦。孰故孰新。白楊疑嘯
松栢疑呻。曠野多風。四望無人。狐狸前蹈。虎豹
後賔。羈雌樹杪。孤鴻水濱。遊子長哀。失路長羶。
天地何為。生人苦辛。

董桃行 歷九秋篇五首

橫桂繚兮蘭房。設瑤席兮羽觴。衆賓通進。鴈行。
杯若飛霞。流光布衣。豪飲十日。公子歡笑萬方。
激楚新聲。絕倫聽來。靡靡逾新。高調上過行雲。

逸響飛薄。流塵綽約。便娟似神。

厭厭夜飲。窮歡改席。就月臨軒。千秋常保無愆。
三星作證。勿諼山移。海竭何言。

歡娛極兮多懷。榮華逝兮忽頽。春光如波。流轉。
秋葉隨風。飄催孤客。感時增哀。

松栢經冬。猶茂蒲柳。望秋先零。祿命懸天。冥冥。
妾心皎如白日。何愁首陽采苓。

贈裴職方

秦壁在握。其何虞侵。燕鼎在航。其何虞沉。葆光

若晦養重若瘖。何以贈君維此良箴。

送沈寧菴之邊五首

相會何樂。相離何悲。會如登岱。離如騁達。之子于征。有騅有馭。嗟我懷人。涕下沾頤。

朱明既屆。萬卉翠繁。竒雲垂垂。涼風翼翼。駉驥龍驤。旂旄翩翩。之子去兮。邈矣清言。

子雖懷芳。椒蘭載芬。子雖蔽器。鐘鼓于聞。帝心簡在。錫爾風雲。何以報德。言樹竒勲。

於穆我皇。天罔振維。豪傑雲興。飛藻標竒。入賓

曰門。出重二垂。顯允明德。實邦之基。

大道甚夷。舉世鮮蹈。克民有經。子研其妙。明若夜蟾。窮陬猶照。光若燭龍。寒門猶耀。

山路吟

夙駕兮待明。悠悠兮于征。干樹兮風高。萬山兮霧蒸。毒淫兮五溪。秦奔兮四野。四野驅兮滄落。五溪望兮蕭索。蠻雲兮終朝。瘴雨兮永夕。群龍兮滿朝。余何為兮遠客。

思歸嘆

陟崔嵬兮臨長河望遠天兮發浩歌。烏拉沓兮
鴈續翻林。猿嘯兮山鬼繁。秋風厲兮衣裳單。露
爲霜兮夜色寒。亭臯葉落兮樹蕭疎。湘江水澄
兮芰荷虛。時易邁兮興易盡。感芳年兮悵自慙。
違賞心兮滯一隅。願隨長風兮徂中吳。惟茂苑
兮幽且清。天池屐兮石湖舫。萬壑香兮千巖竒。
雲興霞蔚兮卉多姿。持巨螯兮拍浮船。摘清尊
兮啖黃鱸。學維摩兮友南華。談八紘兮演三車。
賤如山兮貴如埃。福不至兮禍不來。

孫高士

靈巖抗雲。石室逼霄。松韻笙簧。石漱瓊瑤。先生
處茲。名理自超。高邁匪隱。玄跡非標。神龍變化
大鵬逍遙。咲彼下士。雀附陵苕。

贈洪山人

崇山嵬峩。上憂天倪。寒雲莽蒼。草色慘悽。青蘿
醫徑。紫筠緣溪。灌木悲吟。宿羽酸嘶。之子泰然
容與。藥畦。天地一馬。世道醯雞。

馮山人

隱不在林。出不在市。時至夔龍時去黃綺。開闢
鑿坏。心俱無滓。閩域之間。依然山水。

其三

山自有爽。水自有姿。翠羽扇空。頰鯉躍池。風生
踈松。月映漣漪。神遊八極。心冥二竒。

軍中短歌

七月嚴霜八月勁。颯邊秋苦早。邊夕苦遙。瞻言
故里。美人如翹。心飛玉笛。情寄銅鏐。

其二

北風其涼。天山草枯。雲寒以陰。雨雪載塗。軍中
女子。塞下降胡。樓頭顧兔。樹杪占烏。

其三

邊風多悲。邊日苦寒。嗟爾征人。衣裳何單。烽火
星流。高障雲攢。行役無期。慨焉長嘆。

其四

龍門中怒。鴈門北倚。日月經天。風雲萬里。男兒
慷慨。匈奴氣褫。一劍功成。鄙哉文史。

送鄭滄濂憲使三言

夜郎地。五溪西。天冥冥。草萋萋。雨苦多。霧常迷。
山如戟。樹如笄。誰為使。此羈栖。右不挈。左不提。
髮日短。顏日黧。群卉服。友雕題。幸逢君。復解携。
酌君酒。贈君緹。春無色。白日低。城烏下。櫪馬嘶。
美人去。隔雲泥。愁玉兔。望金雞。

甫田章

倬彼甫田。孰如逢年。是穠是藂。于以待天。

帝命

帝命攸畀。爾減爾嘉。慎則為瑜。逸則為瑕。

論才

論才右格。論心畧迹。寧為瑕玉。毋為文石。彼其
之子。外修中僻。防口如川。胡能無隙。

穀生

穀生道傍。取蔭則即。蘭生戶限。取途則踣。君子
而拙。人或謂賊。小人而工。人或謂德。

秋胡行

羊腸易驅。鳳署難為工。羊腸易驅。鳳署難為工。
諛佞見猜。孤高乃窮。混俗者靡。樹標者攻。乾坤

浩蕩狹路。龍從歌以言之。鳳署難為工。

其二

良田可佃。豐年未易逢。良田可佃。豐年未易逢。薪多後積。木無先容。遇合易變。親厚難終。肺肝昭然。孰察其衷。歌以言之。豐年未易逢。

其三

吞醒啄腐。世人一何愚。吞醒啄腐。世人一何愚。燕石在握。趙璧在塗。上賈薦藉。下獻讒諛。豚酒易年。筐篚易都。歌以言之。世人一何愚。

其四

爵服無常。好惡為屈伸。爵服無常。好惡為屈伸。世人謂姦。顯者見瞋。世人謂醜。顯者見嘖。崇之雲屯。抑之川湮。歌以言之。好惡為屈伸。

短歌行

六龍難頓。三山難期。酌彼金壘。以遨以嬉。人生如寄。多愁謂何。魚懸獸檻。為餌自羅。黃鵠高翻。鳳凰于飛。哲士亦然。身名俱微。杜門非隘。離物非驕。心有天遊。曷與俗撓。神鷹在韝。天馬在櫪。

壯心鬱如粹。不可汨。群兒自貴。俠路相戕。引車避舍。終焉允臧。秋風西來。吹藿轉蓬。漂揚萬里。莫知所窮。龍忌魚服。鶴厭雞群。肆志自高。摩霄薄雲。

感時篇十首

象輅在宇。鳳舳在池。耿耿不寐。一夕九維。中心如結。豈曰無卮。

其二

我心匪鑑。不能度時。世路已變。守一是持。他人

馳騁。我獨委蛇。雖有友朋。始合終疑。五嶽方寸。嗟哉嶮巖。

其三

我辭如雲。不謂我文。我心如蘭。不謂我芬。王事鞅掌。莫知我勤。威儀棣棣。衆口紛紜。往祈靈瓊。冥冥多氛。

其四

魚或在渚。準或在塘。訛言如波。寧莫之壅。我友。黽勉。飄風何從。

其五

彼何人斯。予戟森森。好言匪心。莠言匪心。親不我譽。踈則我侵。胡不相避。如商如參。

其六

謂麋在水。謂蛟在庭。訛言如沸。群辟靡寧。標已則鸞。殆邦則螟。帝眷老成。庶幾典刑。

其七

九天有衢。虎豹可虞。八紘有窟。土伯為魔。旅鴈畏寒。客子畏單。請君勿呻。虺場比鄰。

其八

彼有玄黃。又有瓊瑤。仇者我戚。異者我調。金門紫闥。出入矜驕。念我獨兮。身如浮藻。

其九

彼持津梁。傾湧追討。余也迷步。結交草草。纂組綺縞。不謂我好。曲瓊木難。弗顧我禱。假寐長嘆。維憂用老。

其十

皐皐訛訛。陸離冠劍。競競業業。月請不贍。天命

不徹。曷云有忝。爾母我鄙。我母爾豔。何以自勗。
靡賊靡僭。振德必亨。振燎必爛。

采薇篇

采薇采薇。遼海之陽。日歸日歸。秋風其涼。孤城
大磧。海氣蒼茫。八月如冬。日無晶光。鬢老胡塵。
甲敝戎行。十年一命。萬里空囊。靡室靡家。玃狁
方張。

其二

風吹黃蘆。蕭關秋早。匹馬孤鴻。沙塵共老。憂心
烈烈。紅顏就槁。啄粟桑扈。集柵有鵠。梟獍在班。
鴛鴦在道。

其三

黯黯平沙。白日正淪。寒風似刀。吹我征人。我戍
未定。靡聘我親。王事靡盬。孰敢逡巡。

其四

胡霜寒漠。胡風捲蓬。畫角如哀。憂心忡忡。我車
既駕。我馬既同。直指陰山。匈奴勢窮。殺氣成雲。
掃蕩霧蒙。

其五

昔我往矣。春風淡淡。今我來思。寒日慘慘。夜卧
霜壕。晝馳冰鑿。帶日以緩髮。日以髡。君門如天。
欲訴何敢。

塞下曲 五言

獾狁方匪茹。整居灤河東。辛苦霍嫫姚。受臙長
楊宮。紫擗朝出府。玉帳夜臨戎。魚服侵零露。象
弭勁長風。地偏寒苦早。四野多飛蓬。邊聲傍樹
起。胡雲覆水重。韎韐何君子。裹甲挽強弓。幽屏
多俠氣。不爲麒麟功。

送友

彼柳之濱。有美一人。給事蠻府。三歲食貧。視我
臭味。我親我隣。焉與女蘿。施于松柏。綢繆纏綿。
自晨及夕。窮巷閉門。寒燈照客。北風吹雪。憂心
奕奕。既見君子。庶幾悅懌。雙鴛方奏。流焱忽散。
問君何行。干役鄉縣。白崖崔嵬。瀘水浩漫。永日
馳驅。馬蹄相亂。愴惻懷人。令我腸斷。

其二

依彼平林。有集維鳩。辰彼佳士。同氣相求。俠宗魯連。放擬莊周。維西有壁。維南有金。伯樂騁驥。六轡如琴。德音來括。式慰我心。傾蓋未幾。分岐何駛。送君城隅。併集悲喜。柳雲浮天。湘煙在水。梁宋茫茫。懷人伊始。

河廣篇

爲擢宋中不果而作

誰謂河廣。藝蘭知芬。誰謂宋遠。擊柝相聞。誰謂天高。乘槎可上。誰謂君遙。飛鳧可向。

平巴鄉諸酋同劉中丞受

上賞賦此志感

我弁既韎。我弓既彤。四牡修廣。其大有顛。薄伐溪蠻。武服克共。遠人是康。匪利其實。兵威大荒。豕突無蹤。揚麾靜霧。紀石消烽。凱歌言旋。露布九重。皇用蕃錫。麟趾泥封。予備持矛。受貺孔濃。赫赫南仲。玉鉉金鏞。武則我翰。文則我宗。丹霄零露。仙掌芙蓉。長松荷潤。細草亦葺。

過東郡

風色蕭森。晨光泱泱。白沙如練。竒雲成嶂。載馳

載驅于旄。搖颺魯道。有蕩齊城。在望。

思親

陟彼高岡。毋氏是望。毋曰我子。于役何狀。水或
毒淫。山或嵐瘴。問程百舍。占風五兩。漸漸之石。
晨昏下上。何草不玄。何地不愴。世務伊優。子獨
骯髒。樽俎之間。爰有旄仗。煩促身疲。燕息官曠。
尚慎旃哉。猶來無恙。

矯志詩

芙蓉灼灼。難以餌烹。詞藻翩翩。難以弭兵。石華

競采珊瑚。見指宰相。開閣思不與焉。明月暮投。
孰知我寶。白雪孤調。孰知我道。黃鵠摩天。不離
于患。神龍戲溟。誰得而豢。兩珮相圻。兩賢相阨。
塗雖九軌。不敢不躋。敝褐薦壁。康瓢盛粢。齊紈
圍廁。蜀錦障泥。世路雖蕪。吾躬毋僭。魚不愁霖。
驥不虞槩。慎爾話言。謹爾儀度。儀忒媒讒。言煩
取忤。

我行

蓬生依麻。藟蔓于野。我行思子。山川伊阻。

其二

角枕徒粲。錦衾誰共。我依東皇。子猶滯宋。

其三

念子浮海。憂心如春。誰同流水。日日朝宗。

其四

東遊信美。念非我土。岱宗如何。青蒙齊魯。

其五

駛彼晨風。依其在林。之子一去。邈若飛沈。

南陔養親作

循彼南陔。原田苒苒。我黍既成。我酒既醅。葡萄
初潑。酌以金罍。駐我慈顏。庶幾不頽。

其二

循彼南陔。新萸如濡。彼其之子。色思其渝。湘簟
暑清。秦篝寒驅。眷戀北堂。世路勿趨。

其三

我昔于役。登山采杞。王事靡盬。不遑將母。今我
閑居。吳江之涘。山畔有萸。澗濱有芷。屑屑斗筭。
能奪甘旨。

白華篇 喻孝子潔白

白華如縞。映我堂箔。粲粲門子。動懷蘭藥。執雌持下。葆光歛鶚。

其二

白華英英。在彼中陵。舊舊士子。襟懷日澄。菘菹遠室。纚纚胡繩。

其三

白華在丘。丹趺玄足。堂堂處子。淨然心曲。塵網不牽。陸沈不辱。

招隱歌

桂樹青青兮巖之幽。葉敷榮兮枝綢繆。山壇延兮走龍虬。林蒙密兮森戈矛。雲屯岫兮晦原疇。泉迎瀑兮湧飛流。驚颺蕩兮歸鳥適。陰雰閉兮孤獸愁。王孫遊兮經時。芳歲晏兮不留。兩霜兮驚節。草白兮悲秋。長松響兮颼颼。寒蟬鳴兮啾啾。驅車兮崖傾。跋涉兮路窄。身結束兮神恍惚。罔兮沕。僚兮慄。魑魅兮深林。龍蛇兮洞穴。荒叢蕭索兮居人慄。危徑萬轉兮屢屐。硯碓大木百

園兮陰森茂。翫平蕪。搖落兮。翠管霍靡。鷗鷺下
兮。翻飛麋鹿遊兮。騰倚羈禽兮。夜啼孤援兮。曉
悲攀芳樹兮。聊淹留。霜封屋兮。雪侵凋。齋無餽
餽兮。市無香。葛吁嗟。王孫兮。四顧慘烈。山中不
以火留。

怨詩四言

天地呈奇。荆山效璧。白虹干霄。光奪金碧。東序
富寶。爾獨何阨。千載塵埋。日諧沙石。衆目如瞶。
知己獨惜。都非十五。安敢虛擲。楚王沐猴。匪笑

伊。嗚一。刑天黃。再刑天。赤怨氣。雲高安。用吾。距
英主有心。雙眸奕奕。遣使聘問。九賓設席。抗慨
重投。效于廷陌。雲雨竝起。神鬼辟易。一剖星輝。
再剖霧釋。如訴如鳴。奏刀聲。割宗器。萬年天下。
藉藉。知己不易。二天渥澤。刑者何仇。毀者何隙。
彼昏無知。辱之巾幗。

羅甸曲

孤燈照遠客。孤雲鎖重城。長夜何時旦。久雨何
時晴。

三陟如躡霞。百折如穿窅。亂山問無名。野人問無姓。

其二

其三

夜卧不知更。日行不知程。山猿群嘯岫。山鬼亂呼城。

其四

亭亭雲似蓋。峨峨水作橋。下看已絕壑。上望猶干霄。

黔山歌

黔山如雲。黔水如絲。騎多船少。游子心悲。

結客少年場行

以下五言古

赤兔絡青絲。翩翩五陵馳。朝上平津墻。暮酣戚里卮。賓客工請謁。徒御曉樞機。愛則毛羽生。怒或頭顱劇。顧盼咄嗟間。天回海岳移。黃金揮若唾。赤仄積如砥。裂眦起英風。白日變咸池。出入銅龍門。氣奪羽林兒。皂囊不敢及。金科不得施。益侯猶弟畜。辟陽但奴麾。公卿仰濡沫。輪蹄交

文所詩集卷一
路岐舉手笑書生。閉戶亦奚爲。

發貴陽

驅車黔西門。騁目黔西岑。天嶺互交氣。雲烟相
浮沉。密篠含餘蔭。長槐生遠陰。清猿林外嘯。莎
鷄草間吟。涼颺逗幃帷。颺颺吹我襟。時邁旣多
感。人遠更傷心。回首望天末。慨焉愁思深。

赴黔道中作

鬱紆就遠道。沈瀾向懿親。問子何所之。簡書萃
我身。駕言邁黔陽。征夫日僦僦。北風悽以繁。四
顧曠無人。陰崖攢泐寥。寒楚杳旣眠。哀後傍車
吟。孤鴻伴馬前。燕臺耻河漢。吳江隔風烟。萬里
不封侯。盛年亦可憐。

普定署中對石山

敞目探竒踪。疲足倦遠路。息駕聊尚羊。臨軒縱
余步。環堵一區間。依然擬玄圃。飛梁千尺餘。峰
巒莽相摺。虹垂一澗渴。虎坐雙崖怒。篁翠交青
天。楓丹映紫霧。潛鱗觸自浮。宿羽啼相顧。流颺
蕩繁囂。長烟曳輕素。飛光何其道。日夜去如鶩。

吾欲頌六龍。浮丘儻能度。

古意

盈盈吳下娃。託質才人數。緹幕染霜深。廣儲新月吐。九微火沉沉。終夜理紈素。本擬荅君恩。反以媒衆妬。曼睩爲誰妍。颯然秋風暮。二八射。遍代千金當。一顧羅帳結。同心得新誰。念故綠綺音。欲澁菱花黠。不御寧是念。韶光實恐家。國蠹啣命寄。寒鴉昭陽蔽。重霧。

又

雙燕從何方。飛鳴自相將。渴則飲君池。倦則巢君梁。羅女盛綺縞。嘗恐污衣裳。請君除其巢。君言不爾妨。生雛日嬌愛。相哺勞低昂。毛羽養初齊。怯飛墮君傍。感君命蒼頭。舞人暫輟行。彼翼一何短。爾袖一何長。且勿快爾意。念彼或摧戕。西風崦嵫來。庭前漸頡頏。昔日愁陰雨。今朝慣煙霜。辭巢謝我主。覆庇恩難忘。寸心無可效。願主壽無疆。

錄別

三星鑠鑠列。皓月舒其芒。兩宮逼紫微。華闕傲
圓方。流雲飛欲度。天漢耀文章。繡簾垂銀蒜。蘭
燼焰金釭。主人騰觚爵。挾瑟理清商。涼颼吹旅
衣。紺宇下玄霜。落葉縱橫起草蟲。鳴我傍。男兒
非遇合。何事在他鄉。

其二

流颼起回波。飛雲騰高岑。韶年日夕衰。鄉音日
夕沉。在遠復別離。當杯不能斟。蜀琴薦妙伎。吳
歛揚好音。宛轉工歡娛。一夜九秋心。倏忽雙燕
歸。變為孤鴻吟。殘糝相送罷。淚下誰能禁。

其三

冉冉年芳度。日月少精華。人生能幾何。富貴欲
誰誇。美酒代相知。羈旅即為家。萬事自明日。今
宵且莫嗟。蘭膏凝洞房。蟬聲和暮笳。故鄉萬里
餘。欲歸道路賒。努力事行役。功業浩無涯。

公署登閣有感

自我之黔中。望舒四五圓。登高一以眺。遶閣峯
依然。威紆距南楚。巉巖接西川。樹杪生寒旭。草

際韻哀泉。陰風何蕭蕭。出谷曳輕煙。修蒼既縹緲。潛翠亦葱阡。念予同門友。翰飛戾九天。凌遽自爲樂。誰能援纏牽。鳳尾不奏席。燕麥不列廛。薄俗乃其常。棄置復何言。

夜遊紅崖

紅崖何鬱鬱。絕雲抗高峯。飛鏡挂碧漢。流光射芳叢。觀宇何蕭爽。水樹相玲瓏。火點遠人村。煙深近寺鐘。溪流躍瓊瑤。巖瀑吐雷風。探竒耽故賞。攬勝冀新踪。淨色清神氣。靈景開鴻濛。少小

無官情誓依金人宮

送陸敬齋侍御按廣西

神臯籍文轂。芳草引鳴珂。送君蒼梧去。黯澹欲如何。蒼梧古百粵。重山入望多。七星與八桂。高峙向天摩。民獠昔雜處。徃徃尋干戈。我后自遠駕。關城無集囂。猶聞上德懷宵衣。念扎瘡使君。不思潤百川。秋灌河當寧。珍異人視若珊瑚。柯一朝承簡命。四牡金盤陀。倭遲下靜江。恍惚度纖阿。舟載鬱林石。鼓吹震淮渦。霜威破瘴癘。雨

澤潤煩疴。草綬聞風解。花驄向日過。一時雕題
種喜舞。屢僂僂。皇仁罄所宣。樂章布中和。乘暇
縱冥搜。細酌金叵羅。青山啣半規。四起白狼歌。
萬里永澄清。幕府罷三科。吁嗟鐵冠重。銅柱空
嵯峨。

謁陵有述

昊天作高山。蔚為諸仙窟。萬古日月抱。下有龍
蛻骨。草木函靈氣。熒熒盡精發。諸峰赴人移。削
成疑拄笏。翬飛雲霞間。神造金銀闕。九幽導翠

六丁護黃鉞。漢官秉肅離。前後相趨謁。孤月
間踈星。朧朧度林樾。意者帝其遊。飛光炯超忽。
風聲過萬馬。香氣何蓬勃。瑤席薦清醕。若來或
若沒。虬髯莫可攀。依依空對越。

月夜吟

月色似清霜。梧聲如寒雨。細烹陽羨茗。為君接
軟語。

夜坐吟

嗷嗷獨鴈鳴。颯颯寒雨下。高齋一事無。篝燈坐

長夜長夜何蕭條佳人千里遙客魂與之俱巫
咸未可招

署中聞虜報述懷

弱齡無外慕閉戶讀羣書晷盡還焚膏兀兀恒
自如乾坤屬休明天網遍四區遂令管庫士翩
翩戾皇都託身鸞鳳署豈復枯池魚問我何功
德懷鼠慙有餘中夜不能寐攬衣思良圖瑣瑣
雕蟲技壯夫耻不模呼童起秉燭徒倚覽穰首
長嘯激天飈目中無匈奴朝來集舍中扼腕談

兵樞適逢赤囊卒飛傳遼左符自言見胡騎跡
踉蹌滿長衢牛羊半入罟雞犬震相呼矢石下如
蝟殺氣墮飛鳥幸賴游兵出奮勇舉螯弧首功
亦僅効瘡痍已滿膚連年議修邊胡來如坦途
辛苦竭膏脂版築工有無聖明照萬里邊吏
斯伏辜嗟哉疆場獎豈惟東一隅安得赤心臣
為國建訃謨感之實憤激瞋目抵錕鋸願自拔
行間計取左賢顛不然空肉食護哨胡為乎爾
曹幸勿咲麟閣亦吾徒

有感

大哉乾坤內。斯人盡吾徒。柰何起心兵。頓令成
畏途。譬如汎海中。風波無時無。蚩蚩既取侮。皦
皦復遭誣。變化雲中龍。局促轅下駒。情性有不
能。吾其往乘桴。

游吳山作

時予初解組。覺寥廓為適。書寄
朱和陽舊僚。倘趨省之暇。燕處
齋中能。以神隨我遊否。

安石登山屐。仲連蹈海舟。遐武誰續綜。山高水
自流。我亦澹蕩人。圭組等浮漚。引疴辭憲府。飄

然歸故疇。支策崢嶸巘。濯纓窈窕洲。芳卉相怡
悅。閒羽共綢繆。披雲紫芝長。犯雪黃精抽。飛葉
聚成茵。漱泉夏如瓊。招青庭欵。瞑襲翠徑成。幽
神往妙境。超情適沉慙。瘳緬懷浮丘子。澗視狹
九州。搖精生已勞。外物道斯適。寄言鳳城客。龍
頷曾千秋。

述夢篇 代孫文選

聖帝御萬宇。百辟戒康居。矧是端揆地。文憲焉
能踰。季夏鬱火旻。揮汗浹華裾。宰公精吏道。日

盱猶程書。貳銓有姚翁。窘然佐拮据。役神苦煩。
 懣清夜息。遽廬銀虬隱。初鳴金鑰。尚未疏言。隨
 仙室蝶。遂攬化人祛。二老坐相邀。帝里有華胥。
 靈風襲兩腋。神境迥清虛。五香馥紫府。四照榮
 瑤除。長松蟠龍蛇。鱗甲糾紛拏。蒼然鴻濛色。恍
 疑遂古初。太乙坐叢霄。群真列兩間。黃冠唱稽
 首。迺灑下庭隈。篚盛千歲苓。雲護土為苴。謂是
 上品藥。珍于百車渠。入鼎飛銀浪。薦几呈瓊精。
 圓丘竒草並。鍾山靈液輸。和彼沆瀣。飡佐爾色。

敷腴惟帝憫。臣勞仙品錫。獨殊請君閱。良方五
 石還未如。高飈吹夢醒。倏忽墮籛條。霞帔尚在
 矚。星珮聽猶餘。清漏滴建章。宛如松露濡。展轉
 斗帳間。南軒見望舒。吁嗟此何祥。天意良可虞。
 顯允我太宰。明德為世模。玄貺答公忠。隱然示
 神符。竒齡邁五龍。景福被四區。雙手握玉衡。乾
 坤如覆盂。翻咲廣成子。逍遙無為墟。

瑞麇篇 代陳職方

少宰有明德。瑞麇產堂基。天飛五采霞。為伊染

厥姿翠駁讓其文。龍駒掩其奇。輝輝媚朝陽。洵
是龍宮移。大鈞猶銓衡。既物本無私。公真山吏
部。華省夙所推。精心辨九品。清謐貽四垂。異績
天爲酬。顯道燦可窺。吁嗟此神獸。彷彿千年期。
丹丘代騏驎。紫庭作虬螭。一瞬萬里間。超忽孰
能羈。君家有乘黃。逸足良若斯。黃龍玉帝宅。天
路繞逶迤。前駕旣電往。後轡亦風馳。步武雲煙
際。日月照揚眉。長揚即玄圃。太液是瑤池。

和楊龜山此日不再得

晨星開夜色。羲輪出扶桑。冉冉六螭度。周天僅
莽蒼。匹如截道颺。吹此石火光。玄鬢不足矜。念
茲在青陽。無封紘內事。竊陋楮與枋。大思燻塊
北。細欲折毫芒。反觀厥生初。所賦罔不臧。滓穢
外相搆。蘂疲內自戕。一啣可嗜膚。迷目乃半糠。
心如廣華裂。至寶何能藏。古人去已久。沾丐有
余芳。言念亟南轅。所貴用心剛。雞興而漏寢。猛
進勿彷徨。脂車策良驥。遠彼纏牽長。惜哉近代
學。闔戶擬韓莊。雕龍非不奇。裂綺豈無章。僅足

眩觀聽詎飽饑寒腸邇來錯屈瓠稍已戒亡羊
顧此方寸心俄頃有存亡一爲八風搖役役卒
難強渤澥有玄珠何人駕堅航紛紛爭鼠腐擾
擾喪天常靈臺諒自在其如金鏡亡遲遲日去
矣頽暮竟誰傷願言各努力障此濁流狂

七言古

胡茂成贈武昌吳生鐵如意歌

嗟哉胡郎雅好奇。平生長物鐵如意。芝形雲葉
射人寒。鼎色雪花爛。照地奮髯揚眉。咤起舞。魁

凡魁魅驚走避。佩之已自十年多。不是貧交不
與界夷門。邂逅武昌生。肝膽相傾。神相齒。男兒
感激在片言。豈必揮金與山。死慙慙解自橐中。
投玉案。珊瑚何足擬。仰視且空把臂呼邈。然天
地惟爾矣。

送人歸吳

燕臺季秋風乍寒。樹葉婆娑欲半殘。泥深道長
馬復瘦。行子佻佻未得安。玉壺倉皇爲君挈。含
愁強送城之埒。極目南天望不停。却恨黃塵隱

去轍

贈王弇洲大理

若有人兮冠側注。酒酣腰間吼。櫺具揮鞭直走。
秦漢前卑。唐小宋目不顧。瑣瑣六合誰相知。雄
視高翔遠馳。驚鳳凰承旂。蛟龍梁飛廉。豐隆指
天路。蹈騰崑崙排閭闔。斷續虹蜺擘微霧。萬象
磊塊一瞬間。雕鏤能令真宰妬。大鵬失色不敢
飛。諸子區區徒亥步。

贈臧帥

秋風蕭瑟吐清商。寒蟬收聲獨鳥翔。天低野曠
莽茫茫。黃塵眯目露沾裳。之子去兮遠於將。載
馳載驅道且長。瞻望弗及聊相伴。羈旅無儔中
自傷。歸來沽酒酌空房。孤燈隱慢暖無光。追思
夙昔共衾牀。歡娛綢繆夜未央。胡爲棄我天一
方。心賞相違淚成行。蘭撓桂柶文荔檣。乘飈汎
汎水雲鄉。君若九春我秋霜。安得奮飛集君傍。
開筭贈君雙琮璜。約如丹青世毋忘。

送李參軍往遼東

蒙茸之裘款段馬。揮鞭舉袖色如赭。殷懃別我
城南隅。自言欲走令鹿野。長安作掾願已違。茲
行況復悠悠者。澳恣闇穆任他人。風塵寧其氣
難下。祖席深杯飲自如。醉後稜稜露其爽。高歌
擊節浮雲徂。裂帛怒髮白日曛。乾坤何地不容
人。枳棘林中且偃仰。卽令此輩盡弭玉。李也視
之猶棄壤。吁嗟李生無不適。出門氣與青天高。
碧海秋陰迷。畫榜滄洲遠。色上征袍。太子河頭
黃草落。鴻臚井畔赤狐嗥。神色飛揚無慘慘。身

堪。霜雷與風饕。轅門到日惟長揖。解囊咲披金
板韜。能令肅慎貢矢入。直使烏桓棄甲逃。烏桓
走盡不言功。火旗星劍自資雄。黑水都護才何
俊。白馬長史位亦崇。爾能閉口奪其氣。自逞高
辨如飄風。黃羊蘆酒大殮醺。甲兵十萬恣曾中。
作鎮豈須醫無閭。偃蹇一身足障東。櫂槍衡杓
氣彌靡。爲伊掃去開長空。彼或椰榆未深信。爾
且悒悒歛其芒。談經自擬管龍腹。質訟人知王
彥方。五斗之粟計足矣。一官處處有輝光。關門

景色非吾鄉。日影如鷹天。常黃飛沙激。霧水凜
洲。鵝。鶴。鼓。翅。交。踉。蹌。蕭。條。萬。里。人。烟。少。獨。向。胡
姬。擁。鸛。鷓。吁。嗟。李。生。無。不。適。此。官。欲。伴。頭。顱。蒼

送孟軻方秋之塞上

孟生落穆誰則知。不忝東海王安期。孟生清簡
誰其能。不減穎川劉季陵。六尺篋前書數卷。晨
昏枕藉當禁鬱。饑來寧却胡奴米。茹荼常覺甘
如薺。荆門晝掩竹牀空。蕭瑟居然方外風。宰邑
脂膏誰潤身。入朝筐篚詎遺人。混金璞玉闇自

貴不道世間何者好。行能如此可不貴。紛紛禍
患何由畏。人人謂爾是君子。未許通方天下士。
豈知翻然出壯圖。昂首軒眉偉丈夫。綠盃論兵
一當百。揮塵目中無韓白。自領翹關遏大虜。轅
門直縛三當戶。灤河木落雲摧頽。朔風吹波蹴
日迴。嗟生此行真壯哉。車馬如雷動地來。聞道
土蠻歲擾塞。漢家天子思敵愾。君攜七首蓮花
鐔。決雲爍電光麻落。定將此物覓酬恩。陽關唱
盡不消魂。吁嗟世人舌。輕掉馬識神龍能大小。

文淵閣卷一
一。朝戲海漫騰。天笑看桑蠟。徒蛸蛸。

黔中廳事漫題

黔南九月天。雨霜憲府蕭森槐柳黃。城外諸山
闢突兀。峰陰一一落高堂。披咏未竟簿領來。玄
致清襟坐自妨。椎髻離題滿案前。鼓唇搖舌如
蜩蟬。伏波博望未可圖。竭來何事投窮荒。小冠
偃蹇丞相側。侏儒調笑天子傍。匡衡隨牒賈誼
遠延睇九重如穹蒼。昨夜群星朝上帝。雲端
依稀翳鳳凰。零丁獨憐益部使。萬里熹微振末

光貴陽之城大如斗。亦有天地堪尚羊。金門坐
老猶伏櫪。何如繡斧走邊疆。

華陽歌送曹近陽學使入蜀

華陽周遭五千里。跨躡牂牁枕交趾。黃牛黔渺
走風雷。白帝波濤急。弧矢神女陽臺玉。鏡懸風
吹影入平羗水。銅梁飛翠曉侵帷。碧雞啼星夜
落几。江流濯處錦為城。谷鳥啼來花作市。三峨
五岷何蹇澹。俯視群峰一培壘。芙蓉寒色逼丹
霄。陽鳥迴翼羲和弭。看君叱馭神飛揚。九折無

心賦陟岵露冕行將皇澤宣。到處隨流盡披靡。
臨印父老喻文章。汜鄉童子解詩音。夜郎契中
片楮呼不用。干人事轉徙銅柱。已誇才子銘青
山。復遍騷人履翠螭。千尺掛金天。知君散帙亦
如此。

送馮子潛遊廬山

世人不入馮生格。竟往廬山振雙屐。廬山突兀
南斗傍。倒影明湖搖金碧。屏風九疊天地藩。香
鑪五老神仙宅。文殊一塔占奇峰。拔地排空數

千尺迤邐南。探瀑布泉轟轟下。瀉散珠液泉傍
石。理作怪狀龍爪掣攫萬古迹。更尋三疊眺潺
湲。星斗斜飛銀河拆。乍疑神人鞭玉虬。風雷四
馳山鬼辟。拂衣還上最高巔。身攀元氣與世隔。
大江渺矣一線流。俯視諸山盡拳石。吁嗟馮生
游亦奇。芒鞋欲躡巨靈趾。天門謁帝似不難。人
間萬象俱堪擲。迴頭笑指長安兒。金馬石渠何
太窄。

送李太守往彰德

文淵閣藏書
魏都地勢八埏中。千載猶稱大國風。漳滏並涌
自生浪。恒碣砥礪欲摩空。銅雀美人成蔓草。西
園才子沒蒿蓬。使君五馬去駉驪。吊古躊躇感
不窮。郡齋秋容正慘淡。囊裏新詩轉自工。太行
雲垂似張帷。悲風萬里來從東。烟塵極目長安
道。寒空颯沓落孤鴻。

贈胡金峰僉憲

金峰在臺以救傳侍御失故相旨出僉
黔臬其人倜儻非俗士也

胡君舉體掇皆真。肝膽熒熒更男子。任狹自比
魯朱家。抗章直忤平津旨。竭來除目下燕臺西
南一棹盤江裏。投荒不惜快時人。獨喜探竒跡
萬里羅施山川天下稀。芙蓉秀色妝囊底。碧天
月冷聽夷歌。綠蘿烟豁過蠻市。霜威觸處侵氛
銷。彩毫題來魍魎徙。我亦落魄走黔陽。畢川相
逢薦綠蟻尊前。清霜壓羽曲。一片雄心照秋水。
橫參分漏不忍別。高歌擊節駭山鬼。窮狗世事
何足陳。座上江湖羞自喜。高陽酒徒固無恙。昔

文淵閣詩卷二
日平津。今已矣。

沈太素夜過

長安今夕是何夕。金波初流烟如織。寶炬雙行
送日曛。清商一曲催秋色。沈郎酒態儼稽生。下
直來過解玉勒。入門豪氣縱橫生。雄談欲決宣
房塞。吐出千秋不盡心。等閑萬事俱堪抑。興至
深杯白露寒。神來彩筆清霄逼。鷓鴣絃雁柱含淒
調。秦聲燕筑寫愁臆。清霜倒飛北斗斜。易水凝
流似。愴惻銀虬收響。始分襟。歸鞍列宿參差照。

正留餘興獨尚羊。高天忽起陽鳥翼。

長安馬上偶詠

漢相威權盛武安。百官傾湧爭趨禱。神采嘗從
雙頰窺。風音每向諸曹討。朝陽不貴崎嶇人。交
戟但知委蛇好。黃扉曉坐片談飛。皂囊夜起千
言草。天工倏忽翻雲雨。斗柄展轉迴涼燠。十年
婉孌稱相知。一朝不惜搥筆掃。誰言九衢平似
砥。羊腸即在長安道。

秋夜同張鄧二太史過許敬菴駕部

薊門紅塵遍。九陌不點駕部。廷中跡我輩。照驪
來問奇。主人樹下設瑤席。夏餘風苛。乍捐帷。秋
至微涼。供款客。綠池文殼。搖空青。素旻綺霞散。
微赤寒城。嶂碎烟初消。東方熒熒。月欲白。須臾
飛鏡挂大空。素影清輝。濯人魄。玉繩漸轉。銀燈
爛坐深。忽罄中山醪。耳熱雄談。真態生。徙倚披
襟。復墮幘一尊。身世出風塵。萬事乾坤。賸金石
盤食。深夜還投轄。巖拆沉沉坐。相迫馬首。微霜
雁嗷嗷。眼前秋思。何狼藉。尚攜餘興。夢清齋。玉

山嵬峨對終夕

送馮子潛遊武夷

女星夜隨連州南。化為奇峰十萬尺。大王高高
倚玉清。幔亭如幄富仙迹。繪鶴青田色。不渝投
龍玉簡。神時格。群峰倒影入九溪。星辰搖蕩日
月射。白雲封瑣瓊。瑤寒紫霞燒成珊瑚。赤靈湫
瀑布自天來。洪濤洄湧山疑擘。素虬遙挾白鷺
翔。金鉦擊動銀河。坼雲璈象管。度群真。霓衣風
馬。紛絡繹。山人雅帶青精。芬。清秋去。掇芙蓉液。

霞外雲梯手自攀。烟中鴻駕身相逆天。雞啼日
起半巖神。虎驅飈扶兩腋。豈隆指點最高嶺。白
榆。歷歷觸人額。金銀臺殿洞天開。下視濁世何
逼窄。涉來富貴東流水。惟有青山萬古宅。我亦
澹蕩快奇遊。行驅白鹿隨君策。君不見吳江杯
水山拳石。安得長沒男兒跡。

送石別駕

五溪風捲星如雨。送子東之瀟湘渚。浮雲片片
墮青天。吾自吳歌爾獨楚。醉來雙眼向空橫。肝

膽吐盡尊前語。長安年少何便便。五侯席上詠
才譎。爾今黃綬久陸沉。我猶白板淹羈旅。踈節
能令貴客嫌。高調寧堪下士與。萬里龍蛇畏路
艱。九天虎豹當關拒。貝錦含沙不可防。一官幾
欲絕投杼。長沙轉見主恩深。慇懃好自荅當
守。荒城野霜鴻嗷嗷。送帶秋聲亂清杵。金壘美
酒坐須傾。明朝躍馬東西去。

秋日同殷無美集漫賦

天雲如繡秋離離。荒郊斗酒傾征蓋。相逢落魄

猶往時。華髮蕭疎映銀艾。雕龍千古好須論。腐鼠一時寧足賴。靈均神物如秦璽。大曆以後埋埃壙。上乘寶筏詎難求。下士蠅聲苦無奈。瓦缶紛紜亂肆。夏每使英雄常負。既巨溟精衛填亦勞。大樹蜉蝣撼無害。與君談藝歎吳山。盤飧欲盡冰絲膾。酒酣以往氣益震。嘯起長風激湍瀨。願將此水添大白。澆我磊塊消芥蒂。高談未已還放歌。商聲一一和天籟。居然睥睨自飛揚。窮愁直驅宇宙外。

月夜同宋道甫露坐達曉

長風吹月卷宿煙。鮮雲成鱗復成縠。輪暉濯霧蕩方池。桂影浮霜流華屋。湘江千頃散琉璃。蒼梧欲冷帝妃竹。柳陽美人邂逅遭。眉間神宇非碌碌。大白入手瓊珀光。輕紅欲染廷前菊。玉山嵬峨酒態佳。况有清風浚流穆。吐出水心月。轉寒談來海若天。疑感星華一夜照。肝膽把臂寧與世。情逐金盆飛墮大荒西。纏綿不向空齋宿。坐久山嵐生若海波。遙見諸山互騰伏。天鳥號起

陽靈上。共躍扶桑千里日。

戲題春盡

石家金谷卉爭妍。蒼松翠栢媿芳鮮。狂風一掃春無權。蜂慙蝶恨人亦憐。胡為青帝竟茫然。

燕歌行

大火西流日西傾。清霜凝階月滿庭。秋風蕭蕭催草莖。萬里飛蓬映天征。真如遊子夜不寧。

賦

登城賦

陟麗譙以遐眺兮。聊弭節以消愁。倚干仞之孤岑兮。臨萬壑之洪流。蒸神液以播雲兮。飛寒瀑而吐溜。驚巉巖之虎豹兮。詫蜿蟺之龍虬。北通蜀道。東連楚丘。奧疑曲室。複則重樓。縱橫相追。合沓相求。雖竒探而非吾土兮。何高駕之淹留。承簡書以于役兮。嗟寒暑其載離。眷北堂而懷歸兮。拜東皇而陳私。瞻白雲以極目兮。向金風而沾頤。震澤宛其天外兮。吳山神秀而難窺。馬駢駢而不息兮。車癉癉而倭遲。身三陟而旣疲。

今。魂。九。逝。而。難。持。念。王。陽。之。畏。道。兮。慮。遺。體。之。
有。虧。岳。閑。居。而。養。拙。兮。衡。畏。慙。而。玄。思。惟。古。今。
其。一。轍。兮。豈。茲。理。之。終。睽。嗟。日。月。之。若。流。兮。悵。
人。生。之。似。客。遭。太。階。之。既。平。兮。濡。聖。主。之。渥。
澤。羞。貢。冠。之。虛。彈。兮。慙。屈。軼。之。未。拆。步。容。與。以。
倘。佯。兮。天。宇。忽。其。若。窄。白。日。匿。于。丹。淵。兮。金。鉦。
湧。于。青。壁。寒。煙。曳。而。彌。谷。兮。繁。露。墜。而。沾。陌。野。
獸。狂。顧。而。垂。耳。兮。羈。雌。哀。鳴。而。歛。翮。百。里。聞。無。
行。迹。兮。征。夫。誥。誥。而。逮。夕。夢。躑。躅。而。無。憑。兮。心。
愴。怳。而。靡。憚。樂。如。賓。而。暫。寄。兮。戚。猶。僮。而。永。宅。
嗟。大。造。之。何。爲。勞。生。民。兮。自。昔。

秋興賦

昔安仁三十有二寓直散騎之省以秋興
命篇余直赤龍署差少安仁爰感時事輒
念歸與聊嗣其響恐洛陽道上見者不免

擲瓦耳

嗟旅客之多懷兮雖陽和而若疾矧清秋之既
屆兮其何興而不盡于時祝融解綏尊收御靴

夙苛捐帷微涼薦紆萬山颯搖百籟徐引天地
疑閉物色淒緊雲生隴底桑疎薊門風起洞庭
烟深湘沅嶺頽鮮而殞翠兮木落英而辭繁露
凝霜以皚皚兮水激波以潺潺堂別燕而差池
兮浦落鴻而翩翻日色游揚而愈皎兮天氣晃
朗而靡昏何晷度之漸促覺清夜之方永迅商
鏦錚而搏宵兮金波騰絢而流影輕蛾遶于蓮
燭兮寒蛩鳴乎露井遭託身于雲陛兮獲寓直
于華省神宇微微天河耿耿金鋪繡霜銅龍闕

冷虬箭響微魚鑰聲靜寒榮燦發于銀缸星彩
沉艷于軒屏惜飛光之超忽獨展轉而自省厠
鴛鷺之末行兮依日月之餘景伎同北郭而知
濫兮俸優東方而竊倖感大鵬之逍遙兮何雞
肋之足恃覩巨溟之渤澥兮晒河伯之秋水等
軒冕于蜉蝣兮視鐘鼎猶菅草威鳳不受夫羈
笱兮神龍曷戀乎泥滓乘秋風以憶鱸兮忽拂
衣以高厲訪三禪于鷺頭兮覓四皓于洛溪託
蘭衷于昔賢兮追蘿尚于前史延松陰于胡牀

兮。捲筠浪于湘。几動以寥廓。爲居靜以環堵。爲
址無貴無賤。無人無已。蓋寄迹于太虛而游神
于太始。

馮文所詩稿卷之二

五言律

朱駕部過話

海內談名理。君應是大家。一言標新異。四坐輒
咨嗟。小閣來秋爽。疎簾轉日華。纏綿深勝致。便
欲出煙霞。

劉子元中丞留飲

相逢興不淺。盃酒款清宵。庭竹生秋早。山煙入
暝消。酣來令世遠。語出覺神超。潦倒清尊竭。霜

鐘起麗譙

長安

長安何似奕天地。有虛盈物望全。因際時才孰。盡程玉投機自拙。瓦注得偏羸。慷慨無須論滄洲舊日盟。

答朱兵部

風流君最勝。理窟捨筮筌。語雋無千古。禪深小列仙。中原鞭弭約異日。薜蘿緣一紙。從天墮沉疴。遂霍然。

送張武庫之陝西諸邊

赤兔青絲絡。馳驅紫塞湄。五原無騎迹。諸部罷龍祠。鼙鼓高秋卧。狼章落日移。君看清夜月。那有。望鄉詞。

送汪山人歸江南

朔風變金素。遊子戒征輪。燕市豈無酒。吳江自有。萼深杯辭劇。孟短揖謝平。津為問囊中物。長安。一片塵。

龍山宮眺望

文房詩集卷二
幽興乘行後。龍宮試暫臨。山長多錯股。樹老欲枯心。一徑雲來去。諸巖翠淺深。煙光不厭客。征騎太駸駸。

和州道中即事

一水明川路。千峰抱石橋。岸花容易老。山雪不輕消。風急前旌漾。泥深後騎遙。壯遊今正始。旅况莫蕭條。

含山道中

策馬辭吳甸。揚旌度楚隄。野寒春服換。山雨客程移。老樹惟餘幹。荒田不辨蹊。王孫遊自好。一任草萋萋。

送駱生之虜中

展轉逾千里。辛勤望二庭。胡姬無粉澤。塞酒少芳馨。風急翻榆葉。霜寒墮鴈翎。君看瀚海石。曾勒幾人銘。

西巡時予以督學攝兵使

羅甸遠茫茫。驅車覽大荒。青衿駭山鳥。繡斧走蠻王。席上分春雨。牙前肅曉霜。飛揚天地意。不

慘塞雲黃。

閣鴉道中

四牡多瘡瘡。還行鳥道間。難晴秋塞雨。不盡夜郎山。野草分征淚。蠻風老客顏。中原萬里隔。何處望鄉關。

夜抵普定

碧落高無翳。銀河莽下垂。遠松看似髮。新月望如眉。旅色秋逾好。山行繞自遲。從來圖報主。不起望鄉思。

捫天臺

絕壁依三蜀。高臺鎮百蠻。波流飛竹杪。日景逗巖間。石怪翻疑樹。雲竒欲混山。捫天應咫尺。誰信是塵寰。

永洪寺

何處開蘭若。蓮花第一峰。松深飛翠雨。瀑急走銀龍。天地空雙眼。煙霞鎖四封。涼颼生杖底。萬壑徧疎鐘。

黔中秋夜

憲府秋杉靜。荒城夜漏長。銀河高自冷。玉樹遠生香。靈籟輕浮袂。餘霞細溢觴。願隨天上影。同去照流黃。

西溪

寂寂西溪館。玄言誰與同。雨聲侵夜析。風響亂秋蟲。紫閣心常北。陽關夢自東。彈丸貴竹地。那足老英雄。

贈張子紳山人

荒城初把臂。永夜接清芬。醉後山頽玉。談時席吐雲。鴻心落天外。鳳想出人群。颯爽滄洲色。人間已見君。

金雞驛

三度金雞驛。勞歌坐自傷。山應憐舊客。天肯下新章。日色流邊徼。秋容滿大荒。不因于役久。那見主恩長。

贈耿生

慷慨杜陵男。縱橫慕耿弇。千言驅海浪。一劍決山嵐。俠重能輕別。豪多獨易酣。風雲隨處起。金

鼓正滇南。

宿貴州驛

一去羅施域。飄蓬我自勞。中原斗氣淺。此地客星高。風急傳清杵。霜橫冷大刀。蠻歌甚愁絕。容易老顛毛。

畢節道中

秋日黔山道。蠻雲莽欲隕。連陰天似老。積石地疑摧。疲馬心應厭。寒蟲響自催。飛揚遊子意。偏不賦崔嵬。

赤虺河

茲河勢何猛。喧虺欲撼山。遙疑驅萬馬。直去蕩羣蠻。大木飛流下。危檣怒石間。風波有如此。壯士亦銷顏。

奢香道中

驅馬黔西路。西風馬鬣寒。嵯峨群山口。迤邐片雲殘。涼露侵朱綬。清霜點玉鞍。誰憐仙署客。窮塞日盤桓。

入永寧

何意苴蘭甸。竒踪處處賡。千崖凌一澗。萬竹隱孤城。月爲山偏小。泉因石轉清。到來忘險遠。幽興自平生。

赤水公署

蠻山千萬堞。入漢競龍從。公署丹梯外。人家翠藹中。寒泉迎瀑湧。高樹得雲雄。豈不嗟于役。雙眸興未窮。

蘭州署夜

徙倚今何夕。高齋秋正分。天飛愁裏月。山吐醉時雲。客淚因蟲語。鄉心逐鴈群。窮邊那足戀。去矣欲胡云。

普安署中有懷

一自辭雲陛。常歌采芑篇。心猶懷薊日。鬢欲老蠻天。銀漢遙通北。金莖再隔年。何當新檄下。聊似紫宸前。

答孫月峰吏部

千里傳書札。慙慙念我勞。霞笺仙掌露。彩筆越江濤。貴竹行踰遠。甘泉望轉高。陬隅何足道。獨

有向時豪。

秋夜

一葉飛秋色。乾坤入眼踈。銀河涼自早。玉露潤
偏餘。月引愁心度。天將病骨舒。家鄉千萬里。何
處覓雙魚。

署齋有感

此地嗟留滯。金門萬里餘。片心誰見諒。累薦竟
成虛。朝檄人頻問。時名衆不如。向來天上友。緘
口吝吹噓。

齋居

慘淡看時事。蕭條見世情。風前花更馥。雨後竹
逾清。笛引千山思。琴鳴萬玉聲。玄言到寥廓。吾
意薄簪纓。

永寧上下橋

天開偏國畫。慰我遠扶筇。兩水分明月。雙橋鬪
玉龍。濤奔山似舞。雲合樹常封。何必長楊苑。恩
波到處逢。

送同鄉王憲副雨竹之滇

三載京華別天涯此日親相看窮塞月同是故鄉人桃葉秦淮渡鱸魚澤國綸無為空自念且醉點蒼春

○紅崖閣

高閣雄蠻落僊臺俯蜀城三峰虧日月萬壑異陰晴雲壘疑相撼天低似可擎金光誰共拾獨唱步虛聲

南浦

南浦楓千樹西風葉半疎為因天異候轉念

居薄瘴迎霜盡殘雲帶雨餘興來撫長劍魑魅欲愁予

入赤水署適鄭僉憲壁過訪談白下勝蹟

有作

山勢自糾紛停車日未曛城心濕似雨亭角石如雲吏散河聲徹客來林藹分乍談白下況眉色重霞紋

摩尼道中

白日黯如夜蕭然欲變魂風多雲不散雨積霧

文所詩集卷三
九
猶昏小徑花如霰。危峰草似髡。蒼茫愁畏路。何處望天閣。

○秋夜月思

風驅千樹葉。天送萬山秋。誰信銜杯月。翻生搗練愁。金波流錦幌。青霧拂朱樓。夜夜狂夫念。相依到隴頭。

○普定署中同王司理夜坐

高旻正蕭爽。別館况孤清。萬竹披雲冷。雙槐下吹輕。金樽分月色。瑤瑟動秋聲。相對銷寒折。天

涯意自平

普市道中

夜郎千萬里。况復夜郎西。匹馬行何久。征途去自淒。經旬未息駕。連雨屢衝泥。省署如鄉國。雲深望欲迷。

辰沅道中

萬里秋無盡。高天接素暉。水疑白鷺翥。山似彩鷺飛。空翠侵征騎。霞標醉客衣。誰令行色好。游子未思歸。

文所詩稿卷一
署齋憶沈虞部少卿

薊北三年別。鴻書杳不聞。偶然思玉舉。宛似挹
蘭芬。繁卉妍返照。踈鐘逗宿雲。坐深梁月上。清
夢欲尋君。

普市夜宿

孤客馳驅倦。高眠繫玉驄。雲沉荒戍冷。月落短
亭空。旅夢分寒柝。羈魂警夜風。歸與且莫嘆天
地任飄蓬。

次烏撒

五月行殊域。驅車莽蕩間。淫溪常墮鳥。苦霧欲
沉山。癩發居人面。塵銷客子顏。朱明猶挾續氣
候。是烏蠻。

次龍場

黔陽五溪外。風壤即邊城。百里三家市。連旬一
日晴。泥深伏獸徑。雲擁養龍坑。何事驅才傑。中
原有漢京。

安南道中

苴蘭候自異。西去氣尤分。碧箐遙沉雨。青山半

入雲蠻歌雜吹鼓。瘴霧掩旌文。敝盡征衣色。誰書麟閣勲。

○寄定宇趙太史

燕市憐同調。黔陽愴異鄉。十年肝膽在。萬里鬢毛蒼。天地君青史。風雲我赤囊。男兒何限事。各自答君王。

過炎方驛時有傳予擢河南既而未果

客星懸未穩。鳥道去難窮。黔域嗟殊候。滇陽又別風。火雲鳶力拙。水弩蜮機工。中土天相斲。

臺望益崇

懷陳臧方許建昌諸丈

昔日華陽署。萍蹤未可尋。星分九野濶。人隔五雲深。遠樹封相望。賓鴻寄別心。願懷明主惠。莫自論升沉。

○永寧登閣

高閣寒空外。登臨思不禁。蒼煙自開闔。丹嶂乍浮沉。落日懸孤塞。秋陰淡遠林。莫愁歸路晚。雲卧是幽心。

黔西秋懷

芳歲屢遷止。天涯滯一夫。飛霜移蟋蟀。墜露冷
薜蘿。秋色淒還老。晚雲晴欲孤。正逢搖落候。况
復是征途。

摩尼公署

白雲隨使者。何處不蕭蕭。萬箐猿猱嘯。千山豺
虎驕。階前生熠燿。馬上變招搖。天地遽蘆耳。羈
愁且自消。

聞鴈齋

空林飛木葉。秋思滿霜臺。忽度雙行鴈。知從萬
里來。北風曾有信。西使幾時回。可怪客星影。年
年遠上台。

公署漫賦

深謝山公意。黔陽柰久煩。人才多下駟。風壤異
中原。絳帳誰飛雪。青山自嘯猿。甘泉詞賦客。好
爲笑張騫。

答殷無美進士殷丈書來云貴竹地有名

西陽者謂酉而得見陽耳柰何處門下

于此無論門下能安然在彼即弟念門
下亦如貴竹人之欲見陽也讀之唏噓
按酉陽在辰州穆天子以人迹所不履
藏書其穴僕往歲道焉去此二千里悵
望之深情見乎詞

題書自京洛念我遠投荒箐密常疑夜山深不
見陽迴看周穆穴還似闔廬鄉何日同盃酒長
安大道傍

喜胡兵憲金峰至時有滇警

鈴柝靜蠻府松杉清憲臺月從今夜白秋與故
人來談藝江東彥論兵閩外才西南氛甚惡君
到自應開

秋懷

支離猶昨歲秋色又相逢風起青蘋末涼生芳
桂叢征途山似馬別思月如弓何物淹歸客萼
鱸澤國東

得大老密示志感

請調果何意天涯興甚慵我思離白馬人擬望

銅龍偃蹇猶嫌美。婆娑尚不容吳山。秋正滿。豈亦競芙蓉。

秋晚

秋色自應好。晚來更可憐。虹收玄豹雨。霞映綠蘿煙。一水涵金鏡。千峰吐碧蓮。霜飛荷欲盡。客思感流年。

新橋館

秋山望不盡。遶郭日嵯峨。空翠尊前滴。煙霏坐上多。芙蓉色自老。鴻雁信難過。處處夷歌起。征

夫意若何

碧雲洞

幽境寰中遠。竒探象外誇。神翰萬斛貝。仙借九天霞。瓊蕊分雲潤。靈芝帶露華。風雷夜夜吐。山鬼泣寒沙。

倘塘道中

夜郎五尺道。驅馬去悠悠。密嶂開天小。疎松映月幽。鄉書常後鴈。客思欲先秋。且自探竒迹。皇恩在滯留。

八月十二宿層臺夢遊雪亭寺高出雲表
題詩于壁覺後悉記取筆錄之但不知
雪亭寺在何所可怪

雙崖逼霄漢古寺插芙蓉下覽雲全護旁看雪
四封僧徒依石室鐘磬出寒松坐久聞靈籟青
天吼老龍

答金毅所少叅

同是夜郎域憐君滯一城三秋無鴈信九月少
人行瘴霧丹楓改煙霜素髮明書來二千里

情說生平

塞上

紫塞隣夷帳金河遠帝京風多迎夏起草每過
春生旅鬢如霜葉羈魂似冰萍從來思報主不
惜老邊城

其二

穹廬連不斷胡騎若雲屯笳急凌天籟烽高逼
月輪聲悲陣後馬色奪戰餘人最羨長安客金
羈自占春

同黎天部朱山人集盛山人寓賞菊得多

字

偶逢佳節後休沐暫相過鍾鼎殊閑事壺觴且
放歌。砧來長樂急鴈下薊門多不共白衣飲其
如黃菊何。

次停前驛

四牡屢駢駢。逶遲故國違。江山連日月。吳楚接
煙霏。晚翠侵征蓋。春花醉旅衣。荒城千里客。獨
伴夜鳥依。

蘄水道中夜行

我行無日夜。徒御欲煩冤。天黑經巖谷。更深望
驛垣。吹繁山鬼屏。炬列樹鴉翻。馬首尋歸夢。驚
逢候吏喧。

入楚苦雨

春雨帶春愁。連旬未肯休。蒼茫渾似晚。慘淡迥
疑秋。雲結山為蓋。煙深樹欲浮。玄黃嗟吾馬。何
處覓方舟。

出京

西笑知何日。淒然似別家。濕雲迎去馬。飛雪伴
行車。鳳闕關情切。鴛班入夢賒。風塵正于役。容
易度年華。

過萬家嶺

駱馬嘽嘽度。倭遲甚苦辛。空山難涉趣。荒楚不
知春。十里人煙少。三家兔穴隣。鶯花思故里。東
望淚沾巾。

京師秋日

倏爾高秋氣。西來滿帝城。天霞裁薄綺。地籟奏
疎笙。僚慄思長眺。淒其似遠行。悲哉宋玉賦。無
限古今情。

省中月夜

碣石來秋色。蕭條漢署寒。那堪今夜月。獨在異
鄉看。結冷侵霜笛。分輝上露盤。羈心何處切。一
鴈度鐘殘。

郊外即事

端居滯文翰。出郭暫幽尋。雨色催林暝。花香入
坐深。半酣容岸幘。小語欲披襟。不必疑任達。吾

文所詩稿卷二
生信陸沉

○喜莫丈過齋中和管山人

高人新下榻。旅館頓餘清。白馬尊前騁。青萍匣底鳴。當歌輕吹至。握手暗香生。寧覺他鄉遠。悠然酒外情。

贈子潛山人

何必如禽尚。知君雅絕塵。菁莪聊卒歲。蘓砌自經旬。白恰窮能壯。丹鉛老更神。吳山倘成市。聊可破沉淪。

悼亡妾曹氏

百年方誓日。一夕竟爲雲。飛鳳金鈿落。翔鸞寶鏡分。流黃猶賸馥。紈紵素尚餘。芬大窠尋常事。先零獨愴君。

其二

感爾慙懃意。明珠報我深。那知雛鳳日。翻作別鴻吟。舊幌春空住。閑房露自侵。欲從蓬島覓雲海。杳沉沉。

其三

彩雲飛不住。玉樹發還殘。三載真成夢，千秋未了緣。舊歡如墜雨，長恨似流泉。明月誰憐我，徧來向榻懸。

其四

寶幄音容在金閨懿範留人隨玉兔遠天借綠雲遊夢結空成喜情鐘可自由魂兮歸去否芳草滿汀洲。

出塞

入夜旄頭動防秋迹射屯淚流塩澤滿血灑醋溝。渾未見丹書勒猶驚白羽奔嫖姚不省士止爲漢皇恩。

閨情

長安一片月少婦幾消魂玉鏡憐粧色金波比淚痕河深蟾尚渡天遠兔猶奔何事王孫迹經年斷鴈門。

其二

漢月白霜皎邊塵帶霧昏何來一曲笛能斷兩鄉魂妾似梅花落君如楊柳翻誰提玉龍去一

鼓斬樓煩

○除夕思歸

不見阿咸宅。椒盤空自持。歲殘悲別久。春到覺歸遲。秦馬寧生角。江梅已吐枝。飛騰總何益。天地一南箕。

懷月泉萬子

若士支離甚。窮愁語不傳。心猶如往日。鬢已似秋天。燕署初聞鴈。江城未歇蟬。停雲聊一詠。旅館思悠然。

署中雜感示同舍

坐哂緣何事。人間萬事迷。盡知尋社樹。誰復辨哀梨。雞肋吾方染。蛾眉爾欲低。恁他風雨態。莫自暗懸黎。

風其二

欲作窺天者。其如尚戴盆。聖書何日及。俗態幾人尊。下駟原知分。前薪亦是恩。滑稽終不美。吾道拙還存。

除夕

獨坐寒燈下，愁聽漏未真。
難留歲暮日，易老客中身。
壯志降龍女，羈心逐鴈臣。
明朝醞醖賜，隨意沐王春。

詠雪

長風負飛雪，宛轉入簾來。
冷益司州手，清看梁苑才。
岸容徐沒柳，山意總疑梅。
無限王猷興，高人安在哉。

涇口大風

津吏驚相指，乾坤乍改顏。
風威凌萬弩，雲氣奪千山。
翠羽鴻濛際，金支泱泱間。
夷猶翻自快，不擬泣途還。

秋夜宿江邊寺

秋風偏送客，薄暮喜來遊。
渚月邀栖鴈，江沙點浴鷗。
清砧別館動涼思，一天浮強下招提宿心期殊未收。

長干

長干聊騁望，懷古思悠哉。
寂寞龍沉井，蕭條鳳去臺。
江潮無限恨，梁燕有餘哀。
極目風蘆動，猶

疑白馬來

徐光祿蓮塘別隱

城西久龍臥移去避招尋鑿沼供新釣誅茅宛
舊林身甘玄豹隱興寄白雲深更解觀蓮意寧
知喜足音

又

何必耽一壑移居別有天蓮花清燕坐池水引
浮船世事秋深葉生涯雨後田沉冥君自得莫
共郢歌傳

孤鴈

秋風吹侶散曉霧獨飛征繫帛心還怯排空字
未成渚邊孤影度天外一聲清莫恠求群急瀟
湘怨易生

贈管山人

布衣曾不少誰似幼安君北海歸龍腹南山隱
豹文人應疑割席客自喜書裙間往朱門醉何
嘗媿白雲

長安曉望

帝里晴堪眺。朝來更覺宜。雲光開睥睨。日色上
罽毼。綠盤紛趨省。金吾儼列墀。西山多爽氣。未
許對支頤。

旅次書懷

青歲幾迴換。天涯尚薄遊。葉龍空自好。羊鶴未
知羞。名豈風流著。官難月旦求。知希雅有契。寧
假善曹丘。

同歸龍橋遊郊外

結侶尋幽興。郊原亭午時。輕雲看似鷓。細草覓
如絲。政有鄉心劇。那堪春意遲。新豐美酒在。
坐且裁詩。

友人自春初遲登山迨首夏弗克往賦此

春早薜蘿約。蹉跎塵累多。不禁榆火改。空度麥
風和。孤鶴絃中駕。蓮花夢裏阿。山靈或未咲。其
柰白雲何。

送徐裕湖之金陵一首

異地同為客。嗟君獨此行。燕風吹別袂。楚雨濕
飛旌。岐路分南北。交情無重輕。鳳凰池上柳。春

到向誰生。

○渡江望南岸

山從霧裏出。日在鏡中浮。散彩疑堪拾。迴青似
欲流。家鄉千樹斷。吳楚一帆收。慷慨平生志。今
朝始識愁。

道中即事

江流深處急。山雨暝來繁。思與秋俱慘。身隨鴈
共翻。清歌難慰別。綠蟻更銷魂。莫慢嗟途遠。
驅亦主恩。

遊摩訶庵

為愛招提宿。相過未擬旋。水田僧帔好。天雨佛
花妍。埒布黃金色。香來翡翠煙。雲閑栖鳥靜。不
語自知禪。

賦得殘月如新月

光引天腥助。微茫帶曉煙。青蛾一織老。玉指半
痕鮮。不道今猶缺。翻疑尚未圓。嚴城鐘漏徹。斜
影逗西川。

贈歸龍橋山人

平生無長物。鼠壤偶餘蔬。屐謎時譏俗。卮言日著書。風塵容睥睨。天地足躊躇。何必逃虛往。悠然自遂初。

送吳縣丞之任蘭谿

驅車向花縣。之子興還深。自有芝蘭賞。能忘枳棘林。一丞真不負。三事果何心。爲問酬知處。冰壺月色侵。

○張比部席間詠青青河畔柳

窈窕長安柳。參差河水濱。波光羞比綠。草色怯乎新。細縷臨流濯。纖眉對鏡顰。霞酣張緒態。風約小蠻身。不數章臺暮。空疑灞岸春。離人正多恨。羌笛莫教頻。

○青青河畔草

青陽來野渡。芳草發閑潯。裊裊含煙翠。萋萋覆岫陰。姿看紅苕掩。影耐白蘋侵。細雨幽偏占。斜陽色更深。帆前增別思。柳外喚愁吟。莫報春暉德。年年空寸心。

春日集郊外同沈吏部

東風生碣石。野色滿空亭。為約平原客。相携樓
護鯖。論心先已醉。樂聖正難醒。玉樹春逾媚。金
鞭晚尚停。薊雲情共密。燕草眼俱青。幸不分龍
劍。憑他老歲星。

碧雲寺

龍宮知不遠。巖嶂帝城西。鳴玉泉時繞。鋪金路
不迷。珍花瓔珞似奇樹。貝多齊法界。慈雲滿空
門。慧日低魚因。驚觀出。鴿為聽。經棲坐。久。諸緣
盡。人天有半提。

燕臺志感

客愁不可道。旅色况蒼茫。霧遶侵雲白。塵飛蔽
黃龍。樓成鳥路。鳳署有羊腸。歲月隨顏改。山
川引興長。膏唇任時葺。吾意薄含香。

西塞紀事

青山隨霧斷。紫塞接雲開。月射天狼滅。風吹候
鴈來。草先霜色白。笳雜笛聲哀。漢語胡姬解。江
花罽幕裁。昆邪憐異繒。校尉患罷駘。龍額封難
冀。鴛樓恨欲裁。寘顏信使便。誰上望鄉臺。

送少司馬鄭公之鎮

揚旌出碣石。飛旆動桑乾。日月分西顧。風雲護北邊。黃金酬士列。繡帽撫夷捐。暮雨名王醉。秋霜候騎眠。野多玉匣計。朝鮮赤囊傳。槍壘雄千里。師徒上九天。偃戈今正始。絕勝勒燕然。

送鄭總督之鎮

聖主自垂裳。猶懷御遠方。月卿臨馬邑。星使下龍荒。地控諸關壯。天連萬蝶長。慙勤宣廟畧。翕習勦軍裝。五利和戎策。千言實塞章。白題迎節。

舞紫燕。傍車駟鈴閣。秋聲靜油幢。晚氣涼。應知停版築。公望即金湯。

王少宰考績瑞麇適產

上卿方奏最。瑞麇產堂基。天借雲成色。星分彩作姿。班龍種自貴。仙駟品尤奇。玄宰酬嘉績。神工示寵綏。未看三角露。已見一符披。西使白環遠。東方銅字虧。何如青瑣裏。即有赤松期。

壽陳閣老

憶昔先皇禊。公才最邁倫。沛霖流渥澤。柱石秉

鴻鈞虎觀黎明夜。螭頭烏報春。鮒魚多起涸桃
李總依塵。一旦辭軒冕。三秋理釣綸。金堂浮雨
蓼。綠野蔭霜筠。却老形如鶴。還丹壽比椿。鼎梅
思往日。弧矢慶茲辰。玉樹呈廷秀。瓊枝效國珍。
門風何遜韋。世德自同荀。存問王言潤。玄纁禮
數頻。高星臨益部。白雪和巴人。雲傍華筵簇。花
隨彩服新。丹丘應不遠。奚必問全真。

贈璩玄宇讀書于將山

天遺若士境。巧得舊干將。共說千年劍。言看此

日霜幽棲。寬拂拭小築。縱倘佯。地有八峰綴。人
無六鑿攘。玄談飛卷霧。白石調成商。靜裏窺文
苑。閑中錄酒方。神來稱鄴下。想到是濠梁。落日
驅詩急。青霞引興長。翻經瞻瑞鳥。答響試寒蟬。
龍色何時雨。星文入夜光。居然君自勝。吾欲擬
求羊。

謝安讀書圍碁圖

海風吹散帙。江月入窺秤。莫咲東山老。能雄北
府兵。

出山

何事辭鄉國、支離嘆薄遊、山光亦惆悵、片石為相留

送沈司務歸貴州

燕臺驚落葉、遊子不堪悲、別後五溪口、猿聲無盡時

又

雲司悲已滯、龍里念將歸、正值秋風至、征驂帶鴈飛

舟中即景

雲山秋更好、煙樹暝來含、大有天際意、那無酒外談

自君之出矣

自君之出矣、膏沐經旬歇、愁腸似重雲、容輝若殘月

姑蘇即事

湖光偏媚人、山色不傲客、獨恨謝叔兒、相違明月夕

黃梅道中

山雲若烹鼎。山溜若操琴。解盡鄉中思。惟餘塵外心。

潛山道中遇雨

春色半熹微。連旬石燕飛。為憐山意好。不甚怨煙霏。

又

春雨久無賴。山雲尚似塵。天西微露隙。徒御盡舒輦。

馮文所詩稿卷之三

七言律

自駕部出官貴陽漫賦

珂聲塵落散周廬。郎位宵看一宿虛。分署帝城曾問馬。參軍蠻府欲呼魚。望迴華闕翻逾峻。別去青山轉自疎。萬里玉恩原不薄。黔陽猶是勝三閭。

送高師華南司鐸荊州

秋來茂苑奏寒砧。草樹迷離別思深。人去黃陵

烟欲冷天連赤甲。日常陰官閑好閱滄桑事。吏
隱兼餘薜荔心。絳帳諸生誰郢曲江東回首暮
雲沉

寄許敬庵

江東許椽擅名流。塵尾清談雅自適。鋒起勝場
寧改轍敵逢堅壘欲焚舟。木情不逐風塵盡。玄
思常泛溟津求曲室。何時聆片語幾回乘興似
王猷

陸生至自粵

陸賈西歸華髮新。客攜濁酒慰沉淪。共看傳檄
蠻王客。曾是調和將相人。橐裏黃金銷歲月。庭
前綠樹解風塵。羅浮會攬雲霞色。還較吳閭多
少春

金山寺

樓臺傍水澹秋容。寒影涵來翠藹重。地控海門
千萬里。江浮天柱一孤峯。騰空白浪驚栖鶻。出
洞陰雲起卧龍。壯觀平生曾更幾。維舟徒倚聽
烟鐘

送殷無美守峽州

銅符一去動星文。萬里高樞客路分。江到荆門
飛鷁穩。烟生夢渚落鴻聞。政成欲變秦時賦。
就還干神女雲。日沒黃陵秋色裏。不須搔首吊
湘君。

與周元茂遊虎丘

野寺蕭森共據梧。上方晴采動虛無。霜流衆壑
鐘初逗。雲散諸天塔欲孤。綠蟻携尊聊自放。蒼
龍出匣為誰呼。不因解組那多暇。浩蕩君恩

白五湖

香山偶題

華省栖遲滯遠襟。偶來初地慰登臨。日斜樹杪
紅全墮。雲傍山腰翠半沉。盛世旌常心尚壯。異
鄉天地感何深。層臺東望休翹首。漢殿涼風正
不禁。

東山閣眺望

新秋雨後淨氛濛。高閣憑欄興不窮。坐裏峰巒
遙。疊浪望來天地半。浮空長烟一道松蘿外。落

日干家紫翠中。最是登臨易。蕭瑟暮雲何處識。
江東。

○吳門秋夜懷宋道甫

月輪初上。露初澄。雁影遙傳。別思增人遠。清尊
消黯澹。天高彩華恣憑凌。風烟萬里。秋相接。河
漢孤槎夜欲乘。郁郁吳山。今更秀。那堪舊好未
同登。

○秋日同胡愈憲登黔陽城

黔陽寒色老青楓。徙倚高臺。空葉空。涕淚天涯。

秋易墮。詩篇海內。晚逾工。千山落日。徐收紫。一
水飛霞半映紅。同賦望鄉愁。自絕。不堪烟樹障。
江東。

○答寄天津王使君

飛來尺素雅相聞。伏枕開緘。宛對君。已向五湖
論。日月誰。送三輔。借風雲。青山傲骨。差無恙。白
社新篇。迥不群。漫道投簪。良亦易。昨傳天際動。
星文。

馬底驛漫題

西出陽關漢使稀。穿雲四牡日駢駢。層巒直接
青天峙。亂瀑齊爭大壑飛。萬里逢春還健食。中
年薄宦少光輝。何時叱馭東歸去。荒檄風塵變
客衣。

送傅兵使之滇南

多繡銜恩出漢京。使君巴蜀舊知名。埋輪日下
推持憲。攬轡滇南盛握兵。障燧風高凌碧落。陣
雲天迥逼長庚。一談銅柱雄心起。匣裏干將龍
色橫。

贈蔡子白

吳中貴勝雅相聞。屈指風流孰似君。乍倚膚清
疑朗月。忽看神令若披雲。菰蘆人物聲逾重。竹
箭東南秀欲分。入洛他年驚僞父。寧容小陸擅
能文。

俞壽昌入都將別出訪漫賦

故人落魄滯他方。三載相懸別夢長。迢遞音書
常後鴈。差池客鬢欲先霜。風塵片語神堪玉。海
嶽深盟意未央。烟外疎鐘山日暝。不禁秋思滿

河梁

寄贈張望湖觀察楚中

使者談兵憲府中。干將新拭自司空。泛天六傳
來分虎。夾道雙旌擁畫熊。巫峽雲多才並麗。蘭
臺風起思俱雄。百城南面諸侯上。手板婆娑未
是窮。

過嚴州

春風彩鷁鏡中過。兩岫芙蓉柰勝何。殘照曳霞
輝繡額。淡烟縈月貼寒波。灘過七里星多蕩。

入三江。峽自磨。夜火嚴陵深。悵望蕭條千古一
漁業。

顧夢洲光祿有克問之慶。因使遼陽欲問
道歸吳而不可得。賦此為慰。

玄菟城際滿平蕪。匹馬那堪旅色孤。手棄征繻
朝出塞。心隨明鏡夜飛吳。中庭空喜將雛鳳。客
舍難瞻白首烏。幸有壚頭光祿酒。南天一任尺
書無。

雨中同龔侍御集柴內侍宅

浮雲鬱述起天東。時雨旋從少女風。雙闕漸迷
蒼藹外。千家半錯遠煙中。長裙帶濕飛猶颺。瘦
馬衝泥步却工。醉後欲歸南巷去。綠楊垂處路
疑通。

○壽許黃門

幾載風流。画省間。翛然一疏返鄉關。最憐鶴髮
猶君賜。總爲鷗心許。自閑名士。只今誰北海。吳
中原不少。東山從公爲問。桃還在。可向尊前比
醉顏。

送周元孚戶部使薊

司農才思自縱橫。轉餉言過漢將營。橐有朱提
看借士。路携黃石好論兵。雄心欲吐漁陽操。俠
氣從歌薊北行。爲語生羌休跋扈。終軍今日在
邊城。

又

明光日出曉煙開。使者茲遊亦快哉。鼓角三秋
絕塞去。風雲六傳自天來。邊頭朔氣群羊聚。馬
首胡塵衆鳥回。聞有雄韜藏豹變。君王未許勒

燕臺

長安有感

帝里豪家氣勢崇。田光郭解暗相通。青萍俠指
三秋日。紫燕雄生萬里風。寶氣自多鉤盾署。香
塵寧讓鼓簧宮。玄經誰復知揚子。拓落黃門歎
不逢。

邊事

漢家頻許郅支和。諸將關門議止戈。月白千屯
爭蹴踘。風清萬里遞弦歌。赤綈綠繒遺良厚。鳳
膽龍鬚貢轉多。不盡書生酬國念。夜中揮劍服
摩娑。

其二

屠耆納款進金羈。疊帳連營傍塞湄。漢地材官
揮湏酪。胡中婦女咲香脂。筴錢半走長安道。繡
裕全空吳下絲。辛苦籌邊王相國。肯將民髓實
留犁。

其三

家住榆林古塞傍。辛勤承遣戍漁陽。關頭月落

人千里。河上雲飛。鴈幾行。鐵騎漸因輸。輦散瑠
戈常爲築臺藏。高牙諸帥多。欺客不待胡笳欲
斷腸。

其四

漢家高嶂逼。櫓槍青海銀。州殺氣平。幕下晝閑
金瑣甲。營中日進紫駝羹。不愁風急催冰合。一
任霜空送月明。請語大行休上議。近來天地厭
縱橫。

送朱職方之塞上

柳凋秋老。鳳凰城賦就。驪駒感慨生。今夜一樽
湏盡醉。明朝千里不留行。風吹鴻鴈。胡沙靜。雲
擁龍蛇。漢壘平。知爾高壇猶未拜。曾中十萬已
多兵。

戍士

出門雙淚已。潛然身到關。城倍可憐。冰塞金河
人斷迹。雪飛玉塞戍。銷煙亦知報。玉輕千里
無柰思家易。隔年愁裏若爲聞。樂事元戎夜宴
鼓闐闐。

秋閨

網軒涼吹入孤闈。點點蓮花夜漏希。銀漢雙星愁自望。青天片月冷相依。書來幾度燕槐落。夢去常隨代鴈飛。縱縛左賢侯可覓。那堪白髮一
郎歸。

贈喬舍人

塵尾談天雅自雄。一時碣石歎名通。堪移仲父風霜字。難墮淵源雲霧中。鷄舌尊前春馥郁。鳳毛池上日青葱。亦知未換尊鱸念。曲罷長吟桂

樹叢

送張夏部年兄歸閩

寥落頻年客。薊丘歸期今始卜。刀頭心先鷓首。飛前道目斷。鷓班戀舊遊。青草未銷繁。澗露丹楓欲點大輪秋。君還倘念籌邊畫。蘭珮寧因白鷓留。

雪後見西山 代人應試

芙蓉削峙帝城西。雪後蒼茫望欲迷。石乳半懸虧翠黛。玉塵不掃射璇題。海神車向空中度。溫

女臺從雲外低。拄笏儘堪稱大隱。鳳池何減剡中溪。

贈莫中江

朱紱曾垂漢大藩。扁舟又返舊丘樊。薄遊聊慰蒼生望。高蹈偏成聖主恩。明月在懷堪自貴。浮雲回首欲何言。還聞樂志非因物。山水那須公理園。

贈喬水心

清朝詞客罷彈絃。虎觀婆娑且自由。天借青藜看夜色。人聽白馬散春愁。蓮花豈讓王公府。蚪斗難同令史流。最是君身有仙骨。從來不作隴西游。

省中有感

空說黃金插漢高。雄飛誰似昔時豪。天窮司馬偏多病。人薄倪寬不署曹。身到青雲猶偃蹇。歌迴白石轉蕭騷。歸心不待尊鱸起。草色春江夢寐勞。

寄贈山海關裴職方兼壽太夫人

帝設重關似建瓴。仙郎開署接東溟。三秋不散
真人氣。五夜還高婺女星。酒後玉山看映綵。花
時綠野自餘馨。牙旗一望黃龍裏。猶憶當年夢
角鈴。

望西山

帝城西去鬱蒼蒼。落日憑闌望不遙。疊嶂天開
雄大漠。羣峰雲擁護中朝。林端秀色全堪攬。鳥
外煙光半欲消。拄笏即疑人境隔。誰知此地有
鳴鑣。

送劉太史使大梁周府

燕關芳草入離杯。行色翩翩落景催。星傍桐圭
青雀動。雲依玉節紫鸞回。黃河尚指當年帶。白
雪應追異代才。吾亦相如遊欲倦。不知何日醉
平臺。

送光祿朱虛谷歸江陰

搖落冥鴻欲倦栖。芙蓉收向匣中携。那因薄祿
甘牛後。肯爲長裾學馬蹄。別路雲連芳草濶。歸
帆天逐大江低。風塵意氣知難盡。何限春光醉

裏題

夷陵劉隱士入鄉賢祠

清時未獲漸冥鴻，獨行能彰月旦中。三載風高畏壘地，千秋祠傍素王宮。歌殘梁木文猶在，薦罷江蘋禮自崇。不淺南州鷄酒意，西陵何處暮雲蒙。

贈沈職方乃祖上林丞壽詩

晚境脩然勝事寬，朱顏欲映海楓丹。看山雲引鳩筇上，入洞天遺石髓餐。曾擬尸鄉開土室，那依絳縣領微官。餘情何處堪消受，春雨階前九畹蘭。

送徐都事之金陵

尊前觸目是煙沙，鍾阜遙看路不賒。宮月曉隨花外騎，江流春轉柳邊艖。參軍綠盃新趨府，公子烏衣舊世家。莫道周南信留滯，于今薊北亦天涯。

舒城道中

滿路東風擁傳過，巖崖宛轉遶鳴珂。千花帶濕

依青嶂萬柳堆煙媚碧波佳興常因客裏發春
光偏自雨中多。幰帷應接真無暇試問山陰道
若何。

赤壁東坡樓有懷

高樓縹緲入雲平。楚客憑欄感慨生。壁色猶疑
鏖戰血。江流還作洞蕭聲。文章兩賦隨山在。事
業三分與代更。極目長天人不見。猶將孤棹擊
空明。

登黃鶴樓

高城飛閣俯山岬。詞客登來勝自知。水合雙龍
流不盡。天橫孤鶴去何之。晴川已混前朝樹。芳
草偏多故國思。一片白雲塵外趣。憑軒徙倚夕
陽移。

登岳陽樓

洞庭雨後長春波。極目高樓四望孤。山挾雲根
侵浩淼。天垂日脚盪虛無。金徽流水湘妃怨。玉
笛吹風仙侶徂。到處煙光吾主賜。江潭莫說
是窮途。

雪山關

雪山高處倚嶺岼，爽氣朝來立馬看。
地阨銅符通蜀道，天迴紫塞似函關。
百蠻雲淨千峯出，萬古霜含五月寒。
日日羊腸渾欲厭，何時四牡入長安。

送宋太學之塞上

客邸開尊興未闌，旋驚携劍出長安。
城邊塵起連雲暗，馬首霜飛帶月寒。
魏國詞人堪草檄，漢家諸將正登壇。
昆山不似為郎滯，短笛休吹行

路難

次白崖

野潦縱橫殘日斜，翠微深處迓千家。
秋聲寒起邛王竹，夕照霞侵望帝花。
不盡萬山疲匹馬，何來獨客羨栖鴉。
空齋如水人如夢，蕭瑟天涯度歲華。

七言絕句

長安秋夜

月冷庭前一葉飛，孤鴻聲度客愁歸。
正憐夜色

宜浮壘。無柰秋風欲妬衣。

京中送郭子之塞上

秋風嫋嫋日西斜。一曲陽關轉憶家。但道龍城分地脉。誰知鳳闕亦天涯。

陳練師者雅。自負茲北遊。冀巷遇不遂。而歸予賦二絕。一嘲之一慰之。

夫君搢掄自言仙。五利文成未敢前。誰道皇家羞漢武。白茅不是拜侯年。

又

晴空風度紫雲璈。句曲華陽路不勞。倘踏茅龍還北望。甘泉千尺總秋毫。

送喻楓谷謫楚中六首

高臺碣石自嶙峋。搖落憐君向水濱。漢主豈無金在館。蕭條買駿竟何人。

其二

酌酒燕山春色來。高歌擊筑亦雄哉。孤臣意氣猶如此。豈爲風塵減吏才。

其三

洞庭一望接秋溟。君去扁舟傍白蘋。渺渺欲迷湘浦路。不知何處弔靈均。

其四

試向春風問習池。可能醕酎似當時。洛中諸貴誰人數。共說山公倒接羅。

其五

武昌魚價近如何。長鉞應知欲罷歌。明月還須多載酒。直收春色洞庭湖。

其六

芳草萋萋野騎停。還持濁酒慰漂零。栢梁羣從君休羨。不換江湖一客星。

輓曹姬

清霄別鶴動金徽。萬里蕭條何處歸。春色芳菲南更好。香魂能向五湖飛。

過曹姬舊舍漫題

蕭條蘭室掩空扉。猶想音容隱舊機。恰似漢臯人去後。香風不散鄭郎衣。

其二

柳色青青逼洞房。柔條婀娜爲誰長。離人莫怨陽關。慙庭際。于今更斷腸。

其三

金明池上一枝新。懊恨東風掃作塵。粉蝶也知留不得。飛來飛去自憐春。

馮衍士。携朝貴書往塞上。獲重糈。漫賦橫擔蜀錦。袖車渠長揖。轅門意氣舒。爲問金城千里戍。何如青瑣一行書。

沙河道中寄張子

遠樹平沙晚。岫雲孤鴻叫。月不堪聞。因風好寄愁心去。倘到金閭。贈與君。

七月初六夜

天移鳳律迎秋節。人倦魚梭急曉粧。記得當年懽恨促。誰知今夕漏偏長。

七夕

玉露勻沾。百和潤金甌。微送七香飛。新懽無奈收。鸞鏡宿淚。還將上鳳機。

其二

鵲報星期方歛淚，雞催曙色更追懽。君看天上多麼事，莫怪人間行路難。

七夕風雨

烏鵲驚風遶樹起，流螢洗雨帶燈明。遙知銀漢原無浪，天媛何須動夜情。

七月初八夜

霜殺冰綃映月寒，星橋何處覓前懽。撫機每恨雕陵鵲，安得天河夜夜乾。

過邯鄲

蕭蕭嘶馬帶離愁，風雨叢臺人倦遊。此際故園千里外，丹楓黃葉自成秋。

別龔德卿

兩岸垂楊帶別愁，一鉤新月爲相留。尊前總是銷魂處，不待蟲聲思已秋。

旅中懷友

繫馬高樓酒復清，天涯何處覓同聲。垂楊尚似離前景，細雨能無別後情。

別戴文學義甫

征徒欲怯馬悲鳴。相送依依不計程。道上始知遊子念別時。方見故人情。

入京遇莫雲卿東歸暫語即別以詩答寄

和其原韻

雙劍曾期競斬鴻。忽看紫氣各西東。由來神物偏難合。怒吼燕關斷緒風。

又

到處論交誰似君。那堪邂逅復離羣。風塵莫道孤龍色。夜夜猶能已剗雲。

讀佛經

由來除目即波旬。擾擾偏能起四因。風雨一窺龍藏語。乾坤欲作兔毛塵。

又

貝葉閑持度小遷。春風宛在蔚藍天。不知流注從何滅。口裏香生暗吐蓮。

送沈職方使太原二首

清朝詞客日含香。忽爾乘春下建章。總爲黃金招駿馬。非關繡袷餌戎王。

其二

鴈門句注入雲平。天險能當百萬兵。最是聖朝音魏絳。不煩使者請長纓。

文皇帝四馬圖

龍駒鄭村壩大戰育堂著一箭

龍駒躑躅憶當時。帶箭翻增汗血姿。萬里功成圖不朽。何如天育老青絲。

黃馬靈壁縣大戰後右曲池著一箭

樂府空歌君馬黃。誰能冒矢走風霜。虹州警蹕

天教護不似檀溪僅免殃。

棗榴小河大戰著兩箭

騮馬驕多影屢盤。皇恩剪拂不辭難。小河雙

箭曾傷骨。疑是紅光噴未乾。

赤兔白溝河大戰育堂著一箭

神兵電掃白溝渾。尚有河精帶血痕。見說黃池稱八駿。那知箭底覓酬恩。

過趙州

策馬新秋鄴下行。蕭然懷古不勝情。雲霞尚作

青萍色。風雨猶疑錦瑟聲。

春日署中

粉署沉沉切帝居。春風乍拂日微舒。閑來汎覽
逍遙論欲束。司空城旦書。

秋日有感

露涼蓴股耐調羹。不向江東號步兵。縱是山靈
文未勒。白鷗應怨負心盟。

秋夜有懷

愀然心語對清醇。薄業家依谷水濱。明月堪浮

范蠡。棹黃塵。不點季膺蓴。

武昌道中

花拂幃帷畫裏行。平莎如席玉驄輕。東南天地
春無限。吳楚江山日有情。

蒲圻即事

東風吹柳綠初齊。游客酣時解障泥。細雨夢回
吳地遠。不知身在楚天西。

遊馮茂山遇雨偶成

金門曾老歲星身。何似藍輿好覓春。零雨不嫌

衣袂濕山靈。欲洗洛陽塵。

江浦道中有感

江城雨後淨埃塵。草綠花紅景物新。千里故交輕別去。獨餘春色伴行人。

晉安道中偶成

棘霧蠻煙接曉昏。迢遙萬里望金門。羅衣獨帶京塵色。猶是平津顧盼恩。

永寧夜汎

黃龍彩鷁泛金鷺。銀燭青樽照綺羅。西嶺雲生

山愈秀。東方月出水增波。

題紅崖

紅崖寒影落網緼。使者重來踏紫雲。蜀野星辰應盡摘。中原秋色欲平分。

武林即事

層城卅閣儼如霞。兩岸笙歌款日斜。畫道五侯金埒好。那能十里映湖花。



